



Bosnia and Herzegovina
Federation of Bosnia and Herzegovina
CANTON SARAJEVO
Ministry of Traffic

Broj: 01-05-666-32/19 ST
Sarajevo, 26.02.2019. godine

KANTON SARAJEVO
SKUPŠTINA KANTONA SARAJEVO

- Ovdje-

N/r Predsjedavajućeg Skupštine Kantona

Predmet: Odgovor na zastupničku inicijativu

Zastupnica Vildana Bešlija na trećoj Radnoj sjednici Skupštine Kantona Sarajevo, održanoj dana 23.01.2019.godine, u okviru tačke Dnevnog reda: " Poslanička / zastupnička pitanja, inicijative i odgovori" , a u skladu sa Poslovníkom Skupštine Kantona Sarajevo pokrenula je zastupničku inicijativu " za provjeru stanja ispravnosti postavljenih uređaja za zvučnu signalizaciju na području Kantona Sarajevo, te mogućnost adekvatne zaštite protiv oštećenja".

Odgovor :

Nesmetano kretanje gradskim saobraćajnicama osoba sa invaliditetom jedan je od prioritarnih zadataka Ministarstva saobraćaja. U tom smislu, a u saradnji sa općinama postavljaju se taktilne ploče i zvučni signalni uređaji za lakše kretanje slijepih i slabovidnih osoba.

Konkretno Ministarstvo saobraćaja je u saradnji sa Općinom Novo Sarajevo, na osnovu projekata finansiralo ugradnju taktilnih ploča i zvučnih signalnih uređaja na raskrsnicama i pješačkim prelazima u ul. Zmaja od Bosne- Topal Osman Paše (Socijalno), Azize Šaćirbegović – Zmaja od Bosne (Malta), Zmaja od Bosne - Hamdije Čemerlića (Pofalići).

Pojedini od navedeni uređaja nisu u funkciji zbog oštećenja izazvanog od strane nepoznatih počinitelaca i Ministarstvo će preduzeti hitne korake za popravak pomenutih uređaja.

Napominjemo da je cijena jednog uređaja cca 1.000,00 KM, te da su isti uređaji napravljeni po svim evropskim standardima i kao takvi prilagođeni slijepim i slabovidnim licima, te bi postavljanjem bilo kakve fizičke zaštite, uređaj izgubio svoju osnovnu funkciju.

U budžetu Ministarstva za tekuću godinu planirana su sredstva za realizaciju projekta „Adaptivno upravljanje saobraćajem“, u sklopu kojeg se predviđa postavljanje kamera sa visokom rezolucijom na svim raskrsnicama, u cilju veće bezbjednosti pješaka. Ove kamere takođe će kontrolisati i pomenute uređaje, te otkriti eventualne počiniocce oštećenja , što bi u konačnici značilo manje oštećenja i uništenja predmetnih uređaja.

Također, u budžetu za 2019. godinu planirana su sredstva za prilagođavanje pojedinih raskrsnica za kretanje slijepih i slabovidnih lica, u ovom slučaju to su sve raskrsnice na području Skenderije i raskrsnica Titova - Alipašina kod Higijenskog zavoda.

Za navedene raskrsnice urađen je projekat, te je u skladu sa Zakonom o javnim nabavkama potrebno izabrati izvođač radova kako bi se sa početkom građevinske sezone moglo započeti sa radovima ugradnje uređaja.

M I N I S T A R

Adnan Šteta

Dostaviti:

1. Naslovu
2. Stručna služba Vlade
3. Arhiva